

Хәнты ясәң,



Основана
1 ноября 1957 года

11.02.2021
№ 3 (3567)

Россия мүвөв наука хәтлә!



Хәнты учёной нे Раиса Решетникова педагогической наукайт кандидат нём тайл. Россия мүв наука хәтл вўраңән худыева шуши мир учёной ёхлўв вән вўща ясәңән китләлүв. Ищты елды рәт миров наука пата ар ям па мосты утат вәрдәт. Н. Вах вәрум хур

Муй ширн мәнум
олн пенсияйт
сухуптасыйт

» 3

Е. Айпин хәннәхә
сәмәңа тайты вәр
оләңән әмща хәншәл

» 11

Муй Сүмәтвошн
вәрәнтты ёх
мәнум олн вәрсәт

» 12-13



Поступсэт хানшты ёх вэйтантупсы

Тэнлүп тылдаж 4-митн хэлум дума депутатат ёх вэйтантыйлсэт, интэм онлайн щирн.

Округ дума кэща хэ Борис Хохряков лупас:

» Мэшэн нявлэмт тайты хоттөл ёх вух нётупсэт олднэн пүтартсув. Югра мүвевн 6 714 мэшэн эвипух вэл, дыв сыр-сыр вухаң нётупсэт вантлэйт. Хэлум-нэл-вет шэкашты муй па мэшэн нявлэм вьююм хуята имухты ям арат вух ёсэлдүй. Кашэн шэкашты пушхие тайты

щира илүш 300 шурас шойт, мэшэн нявлэм пэта – 350 шурас шойт вух мэлдэх. Кэши-мэш тайты эвипухаата юлн вэнлтэти вэр лэштэти пэта ол мэр 23,9 миллион шойт вух мэнэс.

Интэм «Югорской семейной капитал» вух унтасн машина лэтти рэхлэд. Щи тухэлли мэшэн нявлэмт тайты хоттөл, ёх вэритлэд хот омэсты мүвийкана 800 шурас шойт вух

ёша холумты. Тэндэл ол щи вэра 55 миллион мултас шойт вух мэнэс.

Щи тумпийн тайтын түмпийн пүтартцы, хуты Югра мүвевн инвестиционной вухаат унтасн Ёмвошн, Нефтеюганск воши, Сэрганэл район Сытомино кэргэн, Кондинской район Леуши па Междуреченской кэргэн нюхи эвэлт арсыр сплээн дэтуяа тайхет рэпитетти питсэйт. Ияха лүнхтэти ки, округева арсыр вэрэлт лэштэти пэта 940

миллиард шойт вух юхтас.

«Хот вэйт тайты вэр елды тэты» поступсы щирн Кондинской район хуша вэн мисхотомааслы, тэмдэл ол дешуптэлэд. Щи вэр тэты щира 939 миллион шойт инвестиционной вух мэнэс.

Округ правительства ёх «Сэх хүлэвэлтийн вэр» тэлдэлт. Щит унтасн тэндэл Ас па Ланад ас хуша 3,4 миллион сэх па 783 миллион арат вүнш, муухсан, щукар, кэри хүлэлт ёсэлдэлдэйт. Щи вэр 324 миллион шойт вух мэсэй.

Путэр ханшас:
Людмила Гурьева

Паштэр кэргт пушхэт йилүп щирн вэнлтэлэйт

Мэнум номерн ма «Юрий Вэлла щирн вүт кэргэн ёшкола-ясли-хот» нэмпийн вэнлтэти вэр олднэн ай паватсум. Ханшсум, хуты интернет хуша йилүп онлайн щирн лэштэум вэнлтэти хэрн Сэрганэл мүвн па Нуви санхум район Түкьякэн кэргэн пушхэт мэнум ол лыпэлт хойты тылдаж олднэмит хэлтэл, вүш эвэлт вэнлтэти вэр олднитсэйт.

Щи олднэн мэнема Югра мүв губернатор лэнкэр хэя нётасты нэ Надежда Савина пүтартас. Мулхатд па иши ненжэн, щит Н. Савина па Н. Костылева, амтэн айкец, паватсэнжэн. Мэлтэ, «Юрий Вэлла щирн вүт кэргэн ёшкола-ясли-хот» нэмпийн вэнлтэти вэр Нуви санхум мүв Паштэр кэргэн тэты питсэйт. Интэм ай тэпинеелүв ёшкола вүша юиты кэмн рэт ясчел ёнт юрэмдэлэл. Вантэ, итэх хоттөл ёх хуша рэт ясчэн хулна лылдэн па елды вэл, тэп нявлэмие ёнки ясчэн рэт ёхлаал күтн пүтартэл. Щи тумпийн мүн, юма вэлдүв, тэп юис вэрэлт түвман рэт ясчэн тайты рэхлэд.

Щалта кимит вэр – щит ёшкола вүша ювмалн 1-мит класса мэнтийн пушхие вэнлтэти мосл, дэлн шуши мир тэпие еша лүнхтэти, ханшты, цифрайт яха пункты па ая вэрты хошты ат питсэйт.

Йилүп щирн шуши нявлэмт вэнлтэти вэр тэты кэштэндэйн вэн пэмашица ясчэлт Полнават ёшкола кэшэя А.Г. Лузянин хэя луплэд. Тэм ханнхэхэхэн ясчэн, литература па юис вэрэлт лэрамтты па елды тэты кэша иса муй вэрн нэлтэд. Па кэштэйт киньща Полнават кэргэн нявлэмт ханшты ясчэн вэнлтэлэйт.

Щи тумпийн тайтын түмпийн пүтартцы, хуты Алексей Лузянин мари мир эвэлт вэлтэти хуят, мосл, щи пэта финно-угорской ясчэлт па юис вэрэлт лүвэлэд өмчэлтэд па щи олднэн сэмлэл кэшилтэй.

Елды Югра мүв вэнлтэти па айлат ёх вэрэлт вантман тайты департамент тэхийн шуши айлат ёх вэрэлт өхтэйн кэща нэ Надежда Костылева и ай па паватсэйт. Кэща ненчев ясчэлт щирн, 2022-



▲ Паштэр кэргэн нявлэмт вэнлтэлэйт

вещение» нэмпийн вэнлтэтийн непекэт ёсэлдэлти тэхнико-технический пила онлайн щирн мирихт вэс. Ияха ажтэйчум ёх ханшты, вухааль па юрн ясчэнт 1-4 классыт пэта йилүп щирн учебникэлт ёсэлдэлти вэр олднэн пүтартас. Кэща ненчев ясчэлт щирн, 2022-

мит ол вэнта Югра мүв дувваттыйн кашэн ёшколайн йилүп щирн лэштэум киникайт хуват нявлэмт юис щирэта вэнлтэти питлэйт.

Путэр ханшас:
Ирина Самсонова



Муй щирн мэнум олн пенсияйт сухуптэйт

Ас хэлтэы тылдэш 26-мит хэтэлн Ёмвоши «Югра» нэмүп айкелдт өкөтти тэхийн округев телевиденияйн, радиайн муй газетаитн рэпитты хэннэхүяттэй нэмасыя Югра мүвев пенсияйт вэлты пирщамум хуялдлаа вухат сухуптэйт тэхев кэща не Татьяна Зайцева пила вэйтантыйлсэйт па путартсэйт.

Мирхот мэнум пурайн өктэшум хэннэхүяттэй лупсэйт, муй щирн пенсия вухат юхи хэшум 2020-мит олн нух елтэйт, Россия хон пеллэк Президент партум щирн муйсэр вухан нётупсээт тэм күтн ай нявлэмэта араттэлн сухуптэйт па муй хурасуп рэпаратайт щи пята Югра мүв Пенсионной фонд тэхи хуялт лэштэйт.

Вантэ, Ас хэлтэы тылдэш олднэмит хэлтэ вүш эвэлт, мэта ёх пенсияйт вэлдэйт па ён рэпитлэйт, рүтэштэйт вухал араттэлн 6,3 процента нух елтэйт. Тэлантельн ияха ки лүнэттэй, щит щурас шойт арата кашан хуята пенсия аршака вэрсы.

Татьяна Зайцева путартс, хуты тэм юхи хэшум 2020-мит ол еша па хурасуп вэс. Пандемия «Covid - 19» мэшэн вэрт юхтум пурайн Россия хон пеллэк Президент хэев партум щирн вухан нётупсээт округев луватн вэлты ай нявлэмэта араттэлн сухуптэйт.

Мүвн кашан хэннэхэя еллы вэлты кеншака ийл. Тэм күтн Югра мүвевн араттэлн 70 процента арат тэп пенсияйт вэлты ёх вэл. Щит пята 315,5 щурас ён рэпитты хуялтэйт пенсия вухат тэм мэнум 2020-мит олн тэп ямсыева нух елтэйт.

Щэлтэ Т. Зайцева лупас, хуты тэндэл ол «Covid - 19» мэшэн вэрт юхтум пурайн Россия хон пеллэк Президент хэев партум щирн вухан нётупсээт округев луватн вэлты ай нявлэмэта араттэлн сухуптэйт.

Мэт олднэн и пүш мэты вух щирн, 10 щурас шойт вух нэмасыя щимэш нётупсы Россия хон пеллэкн вэлты хоттэл ёха мэсэ, мэта хэннэхүяттэй 3-16-мит ол луват нявлэмэйт тайлдэйт. Щи арсыр вэр тумпийн 3 ол вүш вэнтэй ювум пухиет муй эвнет ёнмэлтэй ёнкета па ашета ишты хэлум пүш вухан нётупсээт вэн кэр, Ас нопаттэй муй лыпайт тайлдэйт Россия хон пеллэк Президент партум щирн округев луватн вэлты ай нявлэмэш хоттэл ёха сухуптэй. Эхэтшак, хэлдэйт пүш, ишты Россия мүвев кэща хэ ёслум вухат юхтас 16-мит ол вүш юхтум пухат муй па эвнет ёнмэлтэй хоттэл ёх па 10 щурас арат шойт вухат мэсийт. Щиты ин араттэлн, ямсыева ияха ки лүнэттэй, щи хэлум пүш вух сухуптум вэрата иса



▲ Т.С. Зайцева. informugra.ru эвэлт вүюм хур

7,9 миллиард шойт вух ар нявлэмэн хоттэл ёха нётупсы щирн мэнэс. Щит шенк вэн нётупсы. Вантэ, 3 ол вүш ювум пухата муй эвнет Пенсионной фонд эвэлт мэт олднэн 969,3 миллион шойт арат вух сухуптэй. Щи пурайн 66 щурас нявлэм пята Югра мүв хуща щи вухат мэсийт. Щэлтэ 3-16-мит ол луват нявлэмэта 3,2 миллиард вух сухуптэй. Щиты округ луватн араттэлн 320 щурас нявлэм щимэш вухан нётупсын ѹкантсы.

Хэлмит пүш Россия мүвев хон пеллэк Президент хэ вухан нётупсы 16-мит ол ювум Югра мүв 380 щурас нявлэм сухуптэй. Щи вухат ўма ки лүнэттэй, ин тэлантельн 3,8 миллиард шойт арата юхатлэйт.

Югра мүв Пенсионной фонд кэща не Т. Зайцева

путартс, хуты лывар ол мэр пирщамум хэннэхүяттэй тэса па вешката пенсия вухат кашан тылдэш мэр сухуптэлдэйт. Тэп и тылдэш мэр, лув ясчал щирн, тэмхэлт ён рэпитты па пенсияйт омэсты ёха 9-кэм мултас миллиард шойт арат вух ёша катлуултэй.

» Мүн Югра мүвевн государства эвэлт рэпитлэв, щит пята кашан вэр мүнчэва ушана-сащана хэннэхүяттэй пята лэштэйт мосл, – щиты Татьяна Зайцева юхи хэшум пуралн мүнчэва мирхотн нэхмэс.



▲ Н.А. Евлахов

Шуши ёх вәнъльдыйт

2020-мит олн Югра мүвең хүваттыйн 90 община непека хәншман вәс, хуты лыв шуши мир йис вәрәт лылңуптуман рәпитләт.

Округевн оса вәр тәйти ёх вәрәт вәнъльман Николай Евлахов вәл. Лүв мәнум ол мәр иса община кәщайт пила карты кел, хүват путартас. Уша йис, хуты 90 рәпитты тәхи эвәлт шимл община йма рәпитл. Н. Евлахов лывела путартас, муй щирн лүв рәпитл, муйсәр поступсәт шуши ёх пәта вәлләт. Лүв ләңхал, ләлн община кәщайт шиваләләт ки, хуты шуши

ёх рәпитты тәхиладн мултны нүшая ииләт, рәпата эвәлт йира вошитлыйт, имухты лүвела щи оләңан ат путартас тәм электронной пәща хүват: Biz86@admhmao.ru, муй па карты кел, хүват: [89526926192](tel:89526926192).

Хәнты ясана тулмащтас:
Надежда Новьюхова

Мәт вән яңхты-мәнты рүтъщәты ёш пүншлы

Ас хәлты тыләщ 27-мит хәтәлн «Русское географическое общество» нәмуп Россия мүвтөл мир тәхия лунум хәннәхә, сыр-сыр мүвәт тәса вантман тывелт-тухелт яңхты хә Ильдар Маматов па «Управление по развитию туризма и внешних связей» кәща нә Анна Линкер кашашты непека ёш пос пунсәңан.

Кашашты непек нә- масяя ләштәтс, ләлн аршак мойң мир Увас мүвеңа ат юхтыйл- сат. Щи пәта интам Ём- вошевн «Северными маршрутами экспедиции Беринга» нәмпи йилуп туристической вәр пүншты ләңхалы.

Тәм мосты вәр вәnlтәты, наука, культура па туризм вәрәт хүват ләштәлә.

Ильдар Маматов лупас:

» Ёмвош – щит йилуп щирн омсәлтум вош. Йис тәхи тәта шимл вәл. Хутыса XVIII-мит нәпәтн Россияев вәс, щи оләңан мирн ўн вәлә. Щи пәта «Русское географическое общество» нәмуп тәхия ёх Ёмвоша йис непекәт катлуптәләт, нәмасяя лә- мәтсүхн па иса муй вәрн нәтләт па вәnlтәләт. Вантә, Югра мүва мойңа юхтум ёха Витус Беринг пурал оләңан уша паватты әмща

йил. Тәм вәр ләштәтты юпийн мүң иса, муй вәрн мосл, щитн нәтлүв, ләлн Россия луваттыйн вән туристической тәхет Ём- вошн пүншум йилуп вәр оләңан ищи ат вәсәт па лыв мойңа юхтум ёхдал тыв рүтъщәты кәши ат китсәләл.

Еллы сыр-сыр мүвәт тәса вантман тывелт-тухелт яңхты хә ястас, хуты Ём- вошев йилуп щирн ом- сәлтум хурамән тәхия йис. Яң ол Ильдар Маматов тыв ўн юхтыләс. Интам ванттыйн, щит па сыр вош. Вән вошат киньща тәта хулна шитам па ром. Щит мет ям! Мойң хуты нумәсн, тәта пәлтапләв вәлтүр рәхл.

Ай көр тыләщн Ёмвошн ләштәтум «Северными маршрутами экспедиции Беринга» нәмуп вәр еллы тәти кәши Пермской, Свердловской па Тюменс-



▲ «Торум Маа» рүтъщәты тәхийн

кой мүвәтн ванлтәлы.

«Великая Северная экспедиция Беринга» – щит мет вән туристической яңхты-мәнты Европа эвәлт Аляска хонәң вәнтү мүвтөл ёш. Щитл Россия луваттыйн 42 мүв хүват 111 вош муҳты мойң ми- ра ванлтәты ләштәтум йилуп ёш.

Мосл ястәты, хуты Ём- вошн «Русское географи-

ческое общество» нәмуп Россия мүвтөл мир тәхия ёх унтасн щит ветмит яңхты- мәнты рүтъщәты ёш питл.

Еллы тәм рүтъщәты щи- ра йилпа пүншум яңхты- мәнты вәр английской, китайской па рүш яснәта тулмащтәты нәмәслы.

Путар хәншас:
Ирина Самсонова

www.khanty-yasang.ru



Рэт ясәңән хәншләт, путәртләт

Югра мүвн хәнты, вухаль па юрн мир ясәтн айкел ләшттү кеша «Развитие гражданского общества» поступсы хүват кашән ол нётупсы субсидия вухат еслыйлдайт.

Ёмвош округ бюджет вухат эвәлт 2020-мит одн рэт ясәтн ай нявлремәт кеша журнал вәрты пәта нётупсы вухат касупсы мухты мәлдыйт. ООО «Ханты-Пресс» немуп тәхи 999 600 шойт вух па ООО «СосьваЭтно Тур» немуп тәхи иши арат субсидия нётупсы вух ёша павәтсән. Щи тәхенәнән рәпитеттә ёх хәнты ясәңән «Хәтлье» немпи хәт журнал вәрсәт па вухаль ясәңән «Витсам» немпи хәт непек ай нявлремәт кеша хәншсәт. Нявлремәт кеша кашән непек лапатсотн есәлсәт.

Щалта 2020-мит одн «Ханты ясән» па «Луима сәрипос» газетайнәна грантовой 691 489,92 шойт вухн мәсыйт. Щи вухат унтасн айкел хәншты ёх «Ханты Манси Мир» немуп сетевой издания интернет хуша ләштсәт. Ол мәр щата 168 арсыр айкел хәнты, вухаль па рүш ясәтн хәншсәт.

Щи тумпи Нижневартовск вошән «Варта» немпи газетайн рәпитеттә ёх Ёмвош округ 90 ола ювум кеша «Мы северяне» немуп вәр ләштсәт. Лыведа 172 931 шойт вух мәссы. Лыв шуши мир оләнән 10 лопас газетайн хәншсәт.

Нётупсы субсидия вух оләнән нын Югра мүв оса вәртә тәты тәхийн: <https://depos.admhmao.ru/vzaimodeystvie-sosredstvami-massovoy-informatsii/> лүнтаты.

Щалта Ёмвош округн хәнты па вухаль ясәңәнән «Ханты ясән» па «Луима сәрипос» газетайнән ет-

ләнән. Хәнты мир газета округ луваттыйн кәт щурас 166 хәннәх лүнәтл. Вухаль ёх непек и щурас 710 хәннәх хәншләт. Тәм газетайнән тыләш мәр кәт пүш етлән.

Тата рәпитеттә айкел хәншты ёх шуши мир вәлупсы, поступсәт оләнән, Вулаң Отечественной дальн лалясум хәннәхәйт, щи пурайн рәпитум хүяттә па па арсыр вәртәт оләнән хәнты, вухаль па рүш ясәтн хәншләт. Щи утәт интернет хүват: www.khanty-yasang.ru тата вантты рәхл.

Телевидение хүват иши рэт ясәтн айкелт ләштләйт. Щиты «Россия-1» немпи канал хуша хәнты па вухаль ясәңәнән «Увас мир путәр» немпи передачайнән лапат мәр и пүш етлән.


Щи тумпи хәнты па маньши ясәңәнән лапат мәр и пүш «Ёмвош ўйнән ёх» вәр вантты пәклүв.

«Югория» немуп тәхийн рәпитеттә ёх «Угорское наследие» немпи ут па ләштләт. Лыв щата шуши ёх вәлупсы па арсыр айкелт оләнән путәртләт.

Финно-угорской мир вәлупсы оләнән иши тәм канал хуша уша вәрты рәхл.

Ар ол мәр радио «Югория» хуша хәнты па вухаль мир рэт ясән хәләнтләт.

Щалта Ёмвош округн вәлты «Югра» канал хуша «Югорика» немпи ут ләштла, ләлн ай төпиет щи вәр унтасн рэт ясән ат вәнләтләт. «Северный дом» немпи ут хуша рүш



Ханты Манси Мир СЕТЕВОЕ ИЗДАНИЕ

Казанскому этнографическому музею исполнилось 30 лет

Новости

ПОСЛЕДНИЙ НОМЕР ХАНТЫ ЯСЕН

Ханты Ясен № 2 (5560)

- Инет оләнән путәртәт
- Бан панешита лүнәтә
- Хөт латын ёх дәвәтчен тыйдайт
- Мүй шорн наунт он рәпитеттәт

ПОСЛЕДНИЙ НОМЕР ЛҮЙНА СӘРИПОС

Лүйна Сәрипос № 2 (1236)

- Ювен Шестапов наунт прензы наңсиз

ясәңән шуши мир вәлупсы оләнән айкелт вантты рәхл.

Щи тумпи Югра мүв лыпи вәртәтә департамент хуша «Коренные малочисленные народы Севера Ханты-Мансийского автономного округа – Югры» немуп интернет хәр вәл, щи вәр оләнән тата: kmns.admhmao.ru вантаты. Тата шуши мир кеша ләштум поступсәт оләнән уша вәрты рәхл. Тәм тәхийн хәнты, вухаль па юрн учёной хәннәхәйт оләнән лүнәтаты. 2020-мит ол мәр тата 30 айкел етәс.

Щалта Ас-угорской институттә рәпитеттә ёх хәнты, вухаль па юрн ясәтн йис арәт, моньштәт па путәт нух хәншләт па наука щирн ләрамтләт

щи вәр оләнән тата: [www.oupiir.ru](http://oupiir.ru) уша вәраты. Ин щата 650 арсыр путәт яха ѫкатман вәлдәт. Щи тумпи тата электронной библиотека ләштмән вәл. Тыв рэт ясәтн етлюм киникайт 2010-мит ол вүш эвәлт 2020-мит ол вәнта вәртәт. Лыв интернет мухты хәнты, вухаль па юрн ясәт вәнләтәт вәр ләштсәт. Щи тумпи Ас-угорской институттә рәпитеттә ёх Югра мүв луваттыйн уша вәрләт, муй көмн шуши мир рэт ясәл вәләл.

«Департамент общественных и внешних связей Ханты-Мансийского автономного округа – Югры» айкел хәнты ясән тулмащтас:

Ульяна Данило



Йилуп тыләш сухnum ләпн Ёмвошн интернет мухты «Югра лылнуптаты» тәхи хуша рәпитты ёх мирхот ләщтәйлсät. Видео щирн Нуви сәнхум, Сәрханл, Сүмәтвош па Манстар вош районат па Нягань, Нижневартовск, Ләңкипос, Мегион, Пыть-Ях, Сәрханл, Лянтор па Урай вошат эвәлт «Югра лылнуптаты» тәхи кәща ләңкär ёх путäртсät.

Шуши мир әхтыйн рәпитты ёх йилуп киникайт вәрсät

Метсыры тәм оса тәхи кәща ими Людмила Алфёрова лупаc, хуты мәнум 2020-мит олн оса тәхетн рәпитты шуши ёх арсыр киникайт ләщтәсät па ёнтупсы хәрәт, шүкштәы вәрт онлайн щирн мира ванлтасät. Еллы лўвлупаc:

» 2020-мит олн «Югра лылнуптаты» тәхи унтасн «На свадьбе и после неё» нәмуп киника етäс. Щи ут Яков Александрович Яковлев хәншас. Щит хурән вән киника, щата хәнты па вухаль мир семьяйна йиты вәрт оләнән хәншман вәл. Тәлтаса уша вәрты рәхл, муй иты катра хә хәннөхә нә вәртылс, муй вўрн поры вәрәнтса. Щалта, муй вўрн ин шуши мир нәптәл вәлтү оты пил вәртылт, муй па худна мойна яңхлät.

Тәм киникайн хәншман вәл, муй вўрн именән-икенән кätна мәнләнән па ёхат муй щирн еллы вәлләнән. Щалта йис пурмасät шавиты тәхет эвәлт вўюм йис хурат тәм нәпека вәрман вәллät. Щимаш әмаш йилуп киника етäс.

Щи тумпи 2020-мит олн «По дороге на стойбище» нәмуп моньшәң нәпек ләщтәсүв. Тәм ут «Югра лылнуптаты» тәхи «Торум Ma» музей па Югра мүв культура вәрт тәты департамент ёх иыха пилтäшман вәрсәл. Моньшәт хәнты айлат нә Елизавета

Тасьманова па вухаль хә Анатолий Брусицин хәншәнән. Лын киләнтақ «Торум Ma» йис пурмасät шавиты хотн рәпитдән. Тәм моньшәт хуша шоврые па нюхсие сәмн вантман лылнәләнән, щи щира йилуп киника вәрса. Войенән путäртдән, муй вўрн лын хәнты па вухаль йис кәрта яңхсәнән, муйсар щата хотат, лупасät па мув вантсәнән. Щалта «смартфон» нәмуп щүңк унтасн моньшәт видео щирн шувалтаты рәхл. Тәмаш киника и щурас арат вәрса.

Арсыр вәр мәнум олн оса тәхетн рәпитты ёх ләщтәсät. Нуви сәнхум районан «Югра лылнуптаты» тәхи хуятат нохарьох ләр эвәлт сыр-сыр пурмасät вәнлтыйлсät сәвти.

Тәм мирхотн еллы ма, «Союз мастеров нематериального и материального культурного наследия Югры» кәща Ульяна Данило, ай паватсум:

» 2020-мит ол мәр рәт яснäт еллы тәты вәр әхтыйн мүн кät вән вәр ләщтәсүв. Щит хәнты яснуп словарь есälсүв. Вантэ, хәнты ими Зоя Никифоровна Лозякова 1993-мит ол вўш эвәлт хәнты яснäт иыха ѫкäтсäлә па нух хәншаслә, тәп щи утт словарь щира вәрман ѣн вәсät. Мин Зоя Никифоровна пида



▲ Мирхот пурайн. И. Самсонова вәрум хур

вәйтантыйлсумн па путäртсумн, муй вўрн еллы ѫктум яснäләт ләщтаты. Щи ѫпийн ма губернатор грант нәпек хәншум, щалта вух холумсүв. Еллы Зоя Лозякова хәншум словарь пида наука щирн хәнты учёной ики Андрей Каксин па айлат хәнты нә филологической наукайт кандидат Людмила Гурьева рәпитсәнән. Ма пәмащипа яснäт тәм хәнты яснуп словарь вәрум хуятатта китлүм. Вантэ, мүн яха катлäсман вән рәпата вәрсүв. Тәм вәрн Югра мүв губернатор грант вухат вән унтас тәсät. Тәм словарь нәпекн 15 щурас мултас яснäт вәл па кät щурас арат киника ләщтәсүв.

Щи тумпи 2020-мит олн хәнты па вухаль яснäн-нәнән айлат ёх арат нух хәншасүв. Хәнты яснäн ѫкан арат Сергей Русскин, Юлия Яркина, Виктория Костылева, Янесса

Кузнецова арисат. Вухаль яснäн Раиса Гаврильчик па Евгений Анямов арисäнән. Щи аратта нараc сыйт Игорь Сиренко ләщтәс.

Нын тәм арат интернет хуша <https://youtu.be/VhkMmnU7R9o> хәләннты пакләтти. Арап флеш-карта хәлум сот арат вәрсүв. Щи тумпи тәм ол мүн «Музей природы и человека» пида яха хәнты па вухаль мир похатурат оләнән вет кина вәрсүв.

Әхташак «Югра лылнуптаты» тәхи кәща Людмила Алфёрова яснäт эвәлт уша йис, Югра мүвн шуши ёх реестр нәпека нух хәншты питлайт ин щи щира нәпектәт ләщтәлайт.

Мосл лупты, 2021-мит олн Пулнават вошн Увас мүв па Дальний Восток шуши хуятат 9-мит съезд мирхота вән көр тыләшт оләнмит хаттәлн ѫктäщлät.

Путэр хәншас: Ульяна Данило



Аңки, аңкаңки, щащи



▲ Е.П. Вагатова



▲ Ефросинья Павловна хилыңдал пида

Ефросинья Павловна Вагатова йилуп тылдыш 25-мит хәтәлән 70 ола йис. Лўв Амня кәртән 1951-мит олн Павел Дмитриевич па Анастасия Васильевна Тарлин ёх хотн сема питас.

А я вәлмал вүш эвәлт Ефросинья апшиләл, әнмәлтә нётәсәс. Вантә, лўв Ольга, Ксения упенәл па нял апәлнәңәл па кәт апщел пида әнмәс. Ай ёхәл иса нётман тайсәлә.

Лўв ашколайл, етшуптумал юпийн Сүмәтвошн ләтут кавәртты нәңа вәнләтәләс. Щи юпийн Амня вошн ашколайн няврәмәт ләтет хотн рәпатая күншемәс. Щälta 1972-мит олн няврәмләл ащи Александр Вагатов пида яха нәмәлмәсән. Велци яха мәнум кätçän Амня вошн вәсән. Икел совхоз хуша машинайн рәпитас.

Щи пурайн велци тывум Нуви сәнхум воша СМУ-17 нәмуптәхия Александр Кузьмич рәпатая вохса. Я-а, ин кätçän әктäщсән па щив рәпатая щи мәнсән. Щälтаса дын Сәрум воша рәпитетты китсайн. Е.П. Вагатова нәмәлмәслә:

» Мин Сәрум воша Ас нопättы тылдыш 5-мит хәтәлән 1972-мит олн юхәтсумн. Щирн Сәрум юхан пүңдән вош велци вәртә питса. Щäта вагончик нәмпи нял хот тәп вәс. И

хотэв ләтет-яңышты щира тайсэв. Щälta па хäшум хотлүвн вәсүв. Щиты и хотн кät семьяйн холдясүв. Щи пурайн 17 хәннәхә тәп Сәрумн рәпитас. Щив мир Советской Союз арсыр тäхет эвәлт юхәтсәт, шуши ёх эвәлт мүн тәп щäта вәсүв. Вантә, щи олдатн Сәрум вошн рәпата ёх ләтеты, ашкола, лапка па мир вәлтә хоттәт омäсты олдитсайт. Арсыр мир щäта рәпитсәт, мүн күтәвн иса яма вәсүв.

Йилуп вошн ма ләтут кавәртман вәсум. Икем Александр Кузьмич газ түрплайт тәтъяты вән машинайн рәпитас. Тäm вошн мин няврәмлүмн сема питсәт па өнумсәт. Тäта ёхмән ўшунян ям мүв, сүсн арсыр вонощумут, тулäх ѫкäтлүв.

Ефросинья Павловна – вәра нявләк нумсуп ям хәннәхә. Щи пäта рәтнадалн мосман тайла.

Лўв аңкие Анастасия Васильевна 1972-мит олн аңтәма йис. Щи юпийн Андрей апщел лўв хотала вүслә. Андрей

щäта ашкола етшуптас, ими тәс, няврәмләл әнмәлтас, ин па щäта вәл, па рәпитл. ѩхат Альбина па Вера апәлнәңәл иши упен юпийн Сәрум воша касалсәнән па щäта ар ол, вәсәнән па рәпитсәнән. Ин лын няврәмдан тäm вошн кäпäртләт.

Ефросинья Павловна Вагатова Сәрум вош Газпром хуща 28 ол тәса па яма кäпäртас. Икел Александр Кузьмич вән машинайн 1972-мит ол вүш эвәлт 1990-мит ол вәнта рәпитас. ѩхат вәра мәшшина йис па и лота питас, щи юпийн именән-икенән Нуви сәнхум воша вәлтә мәнсән.

Ефросинья Павловна 18 ол мэр няврәмләл ащи ям уллотн тайсәлә. Щимаш хүв нумсуп ими, икел вәра яма тайсәлә.

Александр Кузьмич 2007-мит олн аңтәма йис.

Ин тämхätл, Ефросинья Павловна вән эвел Елена няврәмләл пида Сәрум вошн вәл па рәпитл. Күтүп эвел Валентина па

Василий пухл Нуви сәнхум вошн вәлдән.

Тäm ям нумсуп хүятэв хүвн хилы вүш аюхтас. Лўв хәлум хилн, нивл хилы па хәлум хилы тумпи хилы тайл. Щälta лўв апәлнәл, апшиләл няврәмәтн иши иса вүруман тайла. Вантә, лыв өнуммәл пурайн Ефросинья Павловнай иса нётман вана талман тайсайт. Лыв иши тäm вешкат нумсуп хәннәхә аңкаңкия, щашия па аңкия альшәләл.

Ешак вешкат нумсуп ям хәннәхә, Ефросинья Павловна! Сема питум хәтлән пида! Нәң 70 тäлә йисән, ёмәңхätлән лепн ям вүш аясән китләв. Няврәмдан, хилыланан, рәтналанан сәма рäхты ат ясән, китләв.

Путэр хәншаш: Ульяна Молданова



Няврәмәт хулна вухаль ясәңа вәнләтүйләты юхтыйләт

Щиты лупәс Ас вухаль ими, Ным Няръёх кәртән ар ол няврәмәт рәт ясәңа вәнлтум ими Клавдия Семёновна Плеханова. Хәнты ар ол юхлы ма лўв оләнән хәншум, щи пурайн лўв вәнләтәты нәңа вәс, ин 2014-мит ол вүш эвәлт рүтъщәл. Ма щирәмн, јм хәннәхә пила шенк әмәш ванкүтлы вәйтантүйләты па путәртты.

Тәм пүш лўв рәтәл оләнән путәрл ол-нитсәлә:

» Ma – Ac вухаль ими, Яркин рәт эвәлт, мүн рәтәв Ным Няръёх кәрт эвәлт ийл. Хәнты рәт ясәңа вәнләтәты ёх кәсүпсия яңхмәмн ма рәт кәртыём оләнән ар арисум. Рәт ләрәв хәншмәмн ма Иван Яркин мөт вән опрашев оләнән уша вәрсум. Лўв Татья имел пила җапәт пух па и эви тайс. Кирилл Иванович Яркин лўв пухл – щит ма щатьщаңем. Лўв вет няврәм тайс, щи эвәлт кимит Сандра эвие – щит ма ўңкем. Лўв хәлум ол дуватн оспа мәшн хойса, щи эвәлт сәмәнәл вевтама йисңән. Лўв Николай апщел финской лаълын пулемётчика вәс, Борис апщел Вулаң Отечественной лаълын лаъясәс. Яркин рәт эвәлт ар ики рәт мүвев эвәлт вуракт вошитсәт.

Ўңкем сыры Камратка кәртән хә Семён Адин хуша икия мәнәс, лўв щәртән хуята вәс. Щалта лўв ўнтәма йис. Йңкем кимит пүш икия мәнәс, щит ма ащәм. Мүн семьяевн вет няврәм вәс, тәп кәт пушхие ай пурайн корь мәш эвәлт ўнтәма йисңән.

4 класс вәнты Клава Ным Няръёх кәртән ўшколая яңхас, щи пурайн лўвел Нина Алексеевна Лыскова вәнләтәс. 5-6 класснән – Кевавәтн, 6-7-8 класснән – Ным Няръёх кәртән, Шәнш вошн ўшкола етшуптас.



▲ К.С. Плеханова урок пурайн

Щи юпийн имухты рә-питетты олңитас, ўңкела мис пәсты, ай мисättäйтә нәтәс, щалта ай няврәмәт вантман тайс. єхат Клавдия пилненчәл пила Ёмвошән педучилищая вәнләтүйләты мәнәс. Щи вәр оләнән нахман путәртәл:

» Ёмвоша мәнты елпийн мүн, эвет, имет пила вонь-щумут ёкәтты нәрума мәнсүв па ломатсүв. Кәртән мир щикүш мүңев кәншсәт. Ат-хәтл түң єш кәншсүв. Щалта вой ведты ёхн мүн вәйтсыюв. Па хәтла түтәнхопн Ёмвоша мәнсүв, мир пәләй ёләм вантты вәс, вантә, пәлңайт эвәлт веншем кара ювмал.

Хәлум пүш математика хұват экзамен мәсүм. Юхи мәнты вүтшийлсүм, тәп щи урок тәтә хә Валентин Иванович Ледников мә-нәма шенк нәтәс. Лўв Конда мүв вухаль хә, иса пурайн ләңхас, ләлн шуши мир айлат ёх непекән ат

Сорчук, лўв, мосаң, 25 арат процент вухаль мир вүр тайл, тәп щи мурта јма рәт ясәңа вәнләтүйләс. Ипүш «Хәннәхә пила путәртты» урок тәсум, лўв па хуят пила шенк јма вухаль ясәңән путәртәс, няврәмәт лўв пәлала ўң-дал пүншман вантсәт.

К.С. Плеханова 37 ол няврәмәт вәнләтәс, јма па тәса рәпитетмал пәта лўв Россия мүв вәнләтәты вәр тәтә министерства эвәлт «Почётный работник об-щего образования» нәмпи мевл пос холумтас, щи тумпи лўв хурл «Манстэр район вулаң ёх» нәмпи сохәл, хуша лойил.

1975-мит олн непекәнә ювмал юпийн К.С. Плеханова Ным Няръёх кәртән, ўшколайн ай няврәмәт вәнләтәты питәс. єхатшәк ЮГУ етшуптумал юпийн вухаль ясәңа, литературая вәнләтәты нәңа йис. Рә-петайл оләнән щиты путәртәс:

» ўшколайн ма няв-рәмәт вухаль ясәңа, ли-тературая, Увас мир йис вәлупсия па географияя вәнләтәсум. Вантә, тәм йисин вухаль няврәмәт рәт ясә-ңа па хон пәләк ясәң иты вәнләтүйләт, щирн ма К.В. Афанасьевайн хәншум вәнләтәты программайт ийлпа, ма щирәмн, хәнш-сәлам. Щи тумпи «Увас мир йис вәлупсы» урок тәтә пәта программа хәншум.

Няврәмәт эвәлт и пух јма нәмләм, щит Ярослав

Ным Няръёхн Клавдия Николай икел пила вәйтантүйләс, 43 ол ийха вәл-ман Александр, Владимир, Юрий, Ольга няврәмәлән сәмәлдән. Ин хилэт сәмәлтә нәтлән. Интәм Клавдия Семёновна мис тайл, кәртәпка па арсыр овоштән сәмәлтәл, икел пила хүл вәлпәсәл. Тәм пура вәнты лўв хущела Ас вухаль арәт ариты, якät якты вәнләтәты пәта кәртән, эвет мойна юхтыйләт.

Тәм ванән Клавдия Семёновна 66 ола йис, щирн ар хошум ясәң китлүв. Ас вухаль мир йис вәлупсы, ясәң елды 僚авәлман тая па түва, тумтака хүв йис нәпәт вәлә!

Путар хәншас:
Людмила Гурьева



Тäm ванän Нуви сäñхум мью Касум вош шуши мир йис пурмäсät ёкäтты па шавиман тäйты тäхи апраң ёх интернет хуват өмäш лүнтупсы лэштäтсät. Вантэ, тäm ол Ас хälтты тылäш 28-мит хäтäлн лыв йис пурмäсät тäйты тäхел ёмäñхätl постäc – 30 тäl юхлы Касумн музей пүншы.

Йилуп щирн лэштäум хäntы юнтуутäт

Щиты онлайн щирн щирн ха ёкäттум округ музеят научной репатнекät Касум йис пурмäсät шавиты тäхи репата олäñän айт хäлдäнтäт. Муй щирн па маата ёх унтас музей хот пүншы па хутыса еллы 30 ол мäр щи тäхи репитäc.

Тäm тäхи пүншты вेra Андрей Ерныхов, Евдокия Задорожных па Ольга Першина ар ёр пунсäт. Интäm Касум вош этнографической музей кäщая Елена Федотова вэл.

Тämхätl тäta рэт мир йис вэлупсы, йис вेरäт нух алумты па еллы тäты щира Касум вош музейн арсыр мирхотäт, ёмäñхätlä, ванлупсэт, лүнтупсэт, арсыр вэнлтäты хäрät, щит «Касум юхан моньщäц хäр», «Пўпи якты хот хäр», «Кина веr лэштäты хäр» па па өмäш нумсäц хäрät вэрlyйт. Щи тумпи сыр-сыр кäсупсэт веरäntlyйт, щит күтн па вўлëн, ёх кäсупсы, хäл веlпäслäты ёх хätl, Вурна хätl, Пўпи якхот, «Няние» па па ёмäñхätlä. Щи тумпи поресты хätläт веरlyйт, щäta юхтум мир тäp rэт ясäñän putärtlät. Щи пäta Касум музей олäñän äntä täp Югра па Россия мývevn яма вэллы, па хон пелäk мývätн тäm йис веrät лëрамтты тäхи олäñän ищи хäлсä, ар пелäk мývät эвält ёх тыв мойна юхтыйлсäт.

Мет амтäн, хуты Касум йис пурмäсät шавиты

тäхийн айлат ёх ищи репитät. Ванлупсэт тумпийн лыв йилуп щирн катра веrät мутрайна лылнуптäлät, лäñн щитлäl, хуват шуши мир рэт ясäev, йис вэлупсэв олäñän няврэмлüva, айлат ёха па иса мира өмäшä уша павättty вэc.

Онлайн щирн ма ищи тäm лүнтупсыйн вэсум. Өмäш вэc йилуп веrät олäñän айкел хäлдäнтät. Тäta «Увас мир юнтуутät», «Ильбигорская» община ёх пила «Хäл веlпäsläty» ёх веrät» немпи вэн ёmäñxätl, «Хоттэл ёх йис веrät лëрамтты ўшкола», театральной веräta вэнлтäты хär, рэт ясäñän кина веr лэштäты хär па па өмäш утät олäñän уша павättysüv.

Мäñema мët өмäш вэc шуши няврэмлüv пäta хäntы моньщäц хуват йилуп щирн лэштäum нумсäц юнтуутät олäñän уша вërtys.

Тäm мосты веr айлат кätnäñ, Наталья Федотова па Татьяна Любавина, округ кäща грант вухäñ кäсупсы ёша катлуутум юпийн олñitcäñän.

Щиты хäntы пушхälxв пäta йилуп щирн лэштäum юнтуутät хуват йис пуртärt, моньщäц, катра веrät па иса шуши мир вэлупсэв олäñän уша павättty räxh. Шältä щит унтас тëpieläv арталуман хälдäntäty веrä, яма нemästty вэнлärt. Ай лüyldal яма räpititty кësha ай непек пülärt, сыр-сыр ай юнтуутät, ушхälxv



▲ «Касум ёх» онлайн щирн йилуп веr лэштäлät

партуupsæt ёшлälн ияха ёkätlä. Щиты тäm веr мухты няврэмлüv нумсäц, ушäna-saçäna па ёräna йилät.

Кашäñ mir лüv рэт ясäñä, лämätsuhxädl, йис веrläл па иса йис вэлупсы щирät тäyl. Иистeñin вэн ёхлüv айлат эвилüv-puhxluv йис веräta вэнлтälät па ванлтälät, хутыса кашäñ веr тäsa па шак-пака лэштäты mosl.

Вантэ, рүш моньщäц хуват мүн «Иван-царевич», «Никита Кожемяка», «Баба-Яга», «Елена Примудрая» па па моньщäñ нemäst яма вэlüv. Муя па ар пелäk хäntы мир моньщäñ ёх нemäst олäñän shiml, вэldä? Йис веrät, моньщ веrät shimla вантыйлät.

Щи пäta Касум йис пурмäсät шавиты тäхи ёх мосты веr оlñitcäst

– йилуп щирн лэштäum юнтуутät мухты ай ёхлüv йис вэлупсэв вэты, рэт ясäev вэнлтäты pitlä. Вантэ, хулна räxh, айтёpielüv йис веräta хущты. Няврэмäт лыв хуты муй тäхия хущлait, щи пела щи керlällä. Ат лыв ёnumlät йис ёхлal арät-моньщätcnemn па йис ёхлal вэлупсы пела ям нумäsn, ям сämn вантман.

Щиты апраң нумсäц Касум айлат ёх унтас и ол луват вўш эвält 16 ол дуват вэнты няврэм кëши 15 веrн лэшtäum юнтаñ утä, рүш щирн «пазлы» тывсät. Кашäñ pölye нemästya inyäshäupsy täyl, тäp щит хулыева ёkättty юпийн уша йил, муйсäр ясäñ щи моньщupsy муй amamätyshi täyl.

Путэр хäñhäc: **Ирина Самсонова**



Людмила Николаевна Новьюхова (Рябчикова) ар ол мэр Сүмәтвош ёшколайн няврәмät вәнләтәты нәңа рәпитäс. Интäm рүтъщуман вәл, тәп юлн омäсты ѹн ләңхәл, шуши мир йис вәрәта вәнләтйилтү хәрәта ѹңхийл.

Няврәмät хурат хәншты вәнләтäс

Мин мәнум олн Игрым вошн нәңäт нирәт ёнтäсты хәрн вәйтантыйлсун. Щи оләңän лўв щиты путäртäс:

» *Ма ёшколайн няврәмät хурат хәншты вәнләтуман рәпитсум. Вантә, щäта пушхиет программа щирн вәнләтäльйт, шуши мирев культура ѹн вәнләтäлы. Щирн щимäш мирхотäта, хута хәнты щирн ёнтäсты рäхл, ма ѹн ѹңхийлсум. Ин рүтъщуман тыв ѹңхты питсум. Мәнәма эмäш вәнләтйилтү, хутыса йис пурайн äңкем, аңкаңкем па па рәт ёхлам ёнтäйлсät.*

Людмила Николаевна Сүмәтвош районän Түтлем кәртän 1969-мит олн хәнты семьяйн сëма питäс. Ащел – Николай Кузьмич Рябчиков – Ващкур кәртän өнмум хә. Иса ай кәртät ияха пиläтты пурайн Ващкур кәрт лäп тәхäрсы, щäта вәлум ёх Түтлем кәрта касäлсät. Щи пурайн щäта И.В. Сталин нәмпи колхоз пүншсы. Äңкел – Федосья Николаевна Шеколкова – иши хәнты семьяйн өнмäс. Людмила Николаевна лупäс, хуты семьяе л вән вәс, ин лўв упел пила кätнäн хäшсäнäн. Упел, Ямал мўвн вәл.

Людмила Новьюхова Пулҗавäт вошн искуствайчилища етшуптäс, «мастер по дереву и кости» вулаң непек ёша павтäс. Щи ѹпийн Сүмәтвоша рәпиттү юхтäс, олңäлн ёшколайн хурат хәншты вәнләтäты нәңа рәпитäс. Щälta пионерäт хотн няврәмät вәнләтäс. Ияха ки лўнäтты, лўв 26 ол мэр



▲ Л.Н. Новьюхова. Н. Рагимова вәрум хур

хурат хәншты нәңа вәс.

Мосл лупты, Л. Новьюхова айтелн арсыр ай пурмäсует хәнты щирн ёнтäл, тыйл, сäк кärätl. Тәп ёшколайн рәпитман, ар ѹн ёнтäс. Ин пенсияйн рүтъщуман вәл, па щи ёнтäсты, сäк кärättty питäс.

Людмила Николаевна Прокопий Сергеевич Новьюхов икел, пила кät няврәмтäйлäнäн, тәп икел, хүвн ѹнтäма йис. Щирн лўв атэлт пушхиелл, өнмäлтäс. Лўв айтелн хәнты ясäнäн путäртäл, няврәмäл, иши хәнты ясäтхäллäнäн, тәп ѹн путäртлäнäн:

» *Ай пурайн мўн юлн иса рәт ясäнäн путäртсүв, вантә, кәртän вәсүв. Ин-*

тäm вошн вәллүв, тäта няврәмät рәт ясäн хәлтү па путäртты пищäntäйлäт, ёшколайн иса рүштä күтн вәллät. Няврәмлам еша хәнты ясäтхäллäнäн. Ма нәмäслүм, пушхиет пила айтелн мосл рәт ясäнäн путäртты.

Мосл лупты, Людмила Новьюхова «Хәнты ясäн» газета лўнäтл, щи оләңän лўв щиты путäртäс:

» *Рәт ясäмн газета ма лўнäтлум, тәп щäта пасыра хәншлы. Мўн диалектэв еша пасыр. Сыры пурайн – 1990-мит олätн – щäта рүш буквант хәншсы, щиты мәнәма кеншäк лўнäтты вәс. Интäm щäта ар йилуп ясäт хәншыйт, газетаевн ясäн лавäрта*

йис. Щирн, ма нәмäслүм, айлат хутатата лавäрт лўнäтты. Непекäң хутатата, учёнойта щит, алла, кен питл. Мўнева па айлат ёха – лавäртшäка. Маширэмн, аршäк путäр хәннөхүяттä оләңän хәншты мосл, щиттä мўн яма лўнäтлүв. Иилуп айкелäт иса ѹн лўнäтлүв.

Людмила Николаевна лупäс, хутыса мосл вәрты, ләлн газетаев ѹмшäка, өмща ат йис:

» *Ма ләңхалум, ләлн нын «Хәнты ясäн» хуши аршäк путäр няврәмät пäта ат хәншäты. Сырышäк щимäш приложенияйт єсäлсыйт, щимäшт па вәрты мосл. Хүл велпäсäтты ёх пäта иши ай путäр шäпниет хәншты рäхл, муйсäр хүл велпäсäт йис пурайн хәнтэт тäйсät, хутыса щиттä вәрты мосл, хутыса катра йисн хүл велсät. Щälta лётуттäт оләңän хәншты рäхл. Интäm өнмуты няврәмäта эмäш уша павäтты, хутыса йис пурар вүш эвäлт хәнтэт лётуттäт кавäртлät. Ма щирэмн, щиты газетаев өмща йил, хәнты мирев щи непек лавäлман тäйтä питлät.*

Тынäң Людмила Николаевна, вән пәмашипа нәңена, хуты газетаев лўнäтлän. Мўн хәлсүв нәң ясäн, еллы щиты щи вәрлүв, ләлн непекев ушхудя, ѹмшäка ат йис. Тäлана, ѹма вәлә!

Путäр хәншäс: **Надежда Рагимова**



Еремей Айпин хানнөхө сামাংца тайты вөр олднан әмща ханшал,

Щиты лупац айлат ханты учёной не Виктория Львовна Сязи. Лув 2017-мит олн Н.П. Огарёв нэмпи Мордовской государственной университет хуша «Художественная концепция любви в прозе Е.Д. Айпина: национальное своеобразие, система образов» нэмпи вэн диссертация непекэл холумсэлэ.

Мэнема шенк әмща олднан уша вөрты, щирн ма лүвел арсыр вөртэл олднан инышссем.

Виктория ай көр тылдящ 19-мит хатлдан 1987-мит олн Ямал мүв Пурровской район Тарко-Сале ай вошн сёма питас. Айтэлн лув Приуральской район Катравош ёнкел рэт керта аңкаңкел-аңщащел хуша мойна яңхилдэс. Ёнкел нэмл Евгения. Николай Андреевич Сязи аңщащел – мёт ям хүл велпэслэты хәя вәс, Марфа Яковлевна аңкаңкел вўлы сух эвэлт хураман молщаңт, саҳат, вейт ёнтас.

» Щата ма ханты ясән хәлсум, лув мәнәмә шенк мәстас, мүң ханты ясңев – ар иты. Юлн кашан рүтъштэты хатлдан ёнкем карты кел хүват аңкаңкел пилаханты щирн путэртас. 6-7 ол луватн ма ёнкем партсум мәнәм ханты ясңа вәнлттэты. Лув ма пидема ханты щирн путэртты питас, непекэтн ханты ясңат ханшас па хот питара эхатсэлэ. Щиты ма айлтыева рэт ясңем вәнлттасум, лүң пурайн аңкаңкем-аңщащем пила путэртсум, вантэ, лын рүш ясң иса ён тайсандан, – лупац Виктория.

Ашколайн лув рүш ясң, литература мосман тайс, тэп немулт пурайн ён нәмсэс, хуты ханты литература хүват учёной нена ийл. Лув щиты вәнлттэты вөрл олднан путэртсэлэ:



▲ В.Л. Сязи

» Ашколайн вәнлттэйлмөмн ма ён вәсум, елды муйсар вөртэл тэты питдум. Сыры пеңк ѹмалты ненца муй па ханнөхө нумас олднан уша вөрты вөртэла вәнлттэты лаңхасум. Тэп кэт ол Щадринской государственной педагогической университет «Художественно-графической» факультет хур ханшты вәравәнлттэйлсум. Щалта елды заочной щирн Д.И. Менделеев нэмпи государственной педагогической университет хуша па ипулян Югорской государственной университете хуша вәнлттэты питсум. Маши пурайн ханты ясң па литература вөр сәмәнца тайсум.

Ветмит курсан ма «Лирический герой в произведениях Е.Д. Айпина» нэмпи вэн дипломной непек ханшум. Щи пурайн ханты мир литература филоло-

гической наукайт кандидат, доцент не Елена Викторовна Косинцева вәнлттас.

2010-мит олн Виктория Тэпэл вошн Д.И. Менделеев нэмпи университет, 2011-мит олн – Емвошн ЮГУ етшуптас. Кэт диплом тайл: «Няврэмт арсыр ёш вөртэла вәнлттэты не» па «Ясңа вәнлттэты не». Непекана ювмал юпийн лув мет сыры «Ханнөхө па Мүв-Ават» нэмпимузей хуша рәпитеттэ олднитас. Щи пурайн икенца ийс, Виталий пухл, щалта Ева-Екатерина эвэл сёма питсэн. 2015-мит олн Ас-угорской научной института рәпитеттэ вахсы. Мёт сыры экспертной на наука щирн вәнлттэты вөртэты отдел хуша рәпитеттэ. 2017-мит ол вүш эвэлт ханты па вухальмир литература дәрамтты отдел көшядай ийс.

2012-2015-мит олдтн

Виктория ЮГУ хуша аспирантурайн вәнлттэйлмалн елды Еремей Айпин ханшум путрат ләрамтты питас.

» Вантэ, Еремей Данилович шенк яма па әмща путрат ханшал. Лув путэрдэл эвэлт ханты мир ийс вәлупсы олднан уша паватты рахл. Щи тумпи уша ийл, хуты мүв илди питы вуй па газ кәншты ёх мүң мүвева юхатмел юпийн хантэта ձавэрта вәлтты ийс па па мосты вөртэл олднан. Ветмит курсан вәнлттэйлмевн мүң «Река-в-январе» нэмпи путэр лүнгэцсүв па сочинение ханшсүв. Мэнема шенк әмща ийс, муй щирн ханты ики ими сәмәнца тайл, щирн елды щи олднан вэн диссертация непек ханшты питсум, – ма пиләма путэртты не ястас.

Интам научной институтт рәпитеттэл лув ханты мир литература олднан уша вөрл.

Рүтъштэты пурайн тэм ханты ненце арсыр хураман луньшахат вөрл.

Россия мүв наука хатл, пәта мүң Виктория Сязи айлат учёной ненцева ар хошум ясңат китти лаңхалүв. Елды ханты мир ийс путрат, моньшат, арат, тэм ийс литература олднан дәрамта па научной непекэт ханш!

Путэр ханшас:
Людмила Шульгина



Муй Сүмәтвошн вәрәннты ёх мәнум олн вәрсәт

Тәмхәтл шуши мирәт культура тәхи хот йитн, мәта утэв иса ар ол мәр Сүмәтвошн пүншман вәл па рәпилт, ищиты түңцирәңа, тәса па хурамәңа арсыр хәнты муй вухаль мирән пурмәсәт хуята ләштәлдәт.

Мосл лупты, хуты юхи хәщум оләтн тәм вәншәк районән вошевн па тәс юл ённты, хәнши эвәннты па сыр-сыр шуши мирән ләмәтсүхәт муй пурмәсәт вәрты ёх ищиты вәлләт па ямсыева рәпилтәт.

Сүмәтвошән вәрәннты хәннәхуята кашәң, йилпа юхәтты ол мәр, тәлн, товийн, лўңән муй сүс пураит иса арсыр мосты вәрәта катләсыйлман вәлләт. Щиты лыв тунты эвәлт сыр-сыр анәт-сәнәт ямсыева ләштәлдәт.

Хәнты муй вухаль ләмәтсүхәт тәса вәрты хәннәхуята кашәң хәтл мәр не муй хә ёх ёрнасәт хурамәң хәншийн эвәтләт па тәп-тәп сәм вүша питты ай юлн щи хәншет ела ләмәтты сүхәта ёнләт. Щалта сәк эвәлт арсыр хурамәң ай пурмәсәт кәрәтләт.

Итәх вәрәннты нәңат иса хәншийн эвтум нәй сәхәт тәм йисн ённтыя пиньшәсәт, тл ванттыя-ки, щимәш ләмәтсүхәт лыв хущела ищиты шенк хурамәңа па яма тывләт.

Тәм йисн ар пеләк вәрәннты нәңат ѿнта тәп вүлы сүхәт па кепләт пида вулкемәлдәт, лыв ищиты паннә муй сорт хүл сух ләпта вәрты вәнләтсәт. Щит пәта хүл сүхәт эвәлт па юхи хәщум оләтн ар хурамәң пурмәсәт вәрты питсәт. Щи тумпийн сорт хүл шәншәң луват эвәлт Сүмәтвошән вәрәннты нәңиет хурамәң сәккеләт тәса кәрәтты хошләт.

Тәмхәтл мүн округев «Хәнты ясәң» айкеңәң нәпекев кашәң тыләш мәр лўнгатты хәннәхуята ямсыева лупты-ванләтты вүтъщәлүв, муй щирн Сүмәтвошн вәрәннты ёх мәнум олн вәсәт па

рәпилтәт. Арсыр тәса па хурамәңа ёнтәсты нәңат па вәрәннты ёх кәт шуши мир эвәлт тәм вәншәк районән вошевн тайлүв.

Тәм мәнум 2020-мит оләвн лыв ар пеләк «Covid – 19» йилла юхтум мәшәң, вәр унтасн иса худыева юлн вәсәт па арсыр ёшәң, рәпатаит вәрсәт. Мосл лупты, хуты вәрәннты хәннәхуята лыв күтәлн ин онлайн щирн тәса вәрум ләмәтсүхдал муй пурмәсдал ванләтсәт. Щалта арсыр вәрәтн вел-щи ёшәң рәпата щирәта катләсум айлат ёха лыв ищиты Интернет хүватн айкел тәсәт па муртәң нәтупсәт вәрсәт.

Тәмхәтл Сүмәтвош район шуши мирәт культура тәхи хот йитн арсыр вәрәннты нәңат па хә ёх вәлләт. Итәх хәннәхуята щи хот йитн иса кашәң хәтл мәр рәпилтәт, кимит нәңат па тәхетн рәпата тайләт, хәлмит хуята пенсияйн рүтъщуман омасләт па иши ёш вәрәта кашәң хәтлән катләсыйләт.

Людмила Николаевна Новьюхова район луваттын ләштәум арсыр вәрәннты нәңат мирхота тәптилт па вәс. Тәм хәнты нәңев шенк тәса щашкан муй нәй эвәлт арсыр ләмәтсүхәт ёнләт. Щалта сыр-сыр тунты пурмәсәт вәрты хошл па сәк пида рәпилт. Ин па 2020-мит олн ләтута тайтты тунты хушап лув ләштәтс па хурамәңа «Йиңк вой»

нәмуп хәнты хәншийн эвәтсәлә. Ёхатшәк ай эвие ёрнас па йинтуп тайтты намтат па ёнта. Щи вәрәт тумпийн шуши мирәт культура тәхи хот йитн арсыр пурмәсәт, ләмәтсүхәт кашәң, мосты тахия ләштәтсәлә.

Любовь Константиновна Вынгилева ищиты районәл хуша ләштәум арсыр вәрәннты нәңат мирхота яххас. Тәм хәннәхә щашкан муй нәй пида шенк тәса па хурамәңа кашәң ләмәтсүх ённты вәритл. Хәншет па ямсыева эвәтл. Щи вәрәт тумпийн юхи хәщум оләтн яма вәнләтләс, муй щирн паннә па сорт хүлән сүхәт пида рәпилт. Щалта хәншийн ай эвие ёрнас па нәй сух эвәлт түтшәң ёнта. Мәт хәщум күтн кармас ваш юхат эвәлт сыр-сыр нюмәр сохләт түңцирәңа сәвтә арсыр вәрәннты хуята тәса вәнләтәс. Ёхат лув нәмася шуши мирәт культура тәхи хот йитләа щимәш кармасан сохләт сәвас.

Светлана Прокопьевна Новьюхова – Тюмень вош университетн художественной отделения тәхи етшуптум нә. Хән лув вәнләтйилтү тәптилт па вәс. Йиңк вой түнгизүүн тәптилт па вәс. Тәм хәнты нәңев шенк тәса щашкан муй нәй эвәлт арсыр ләмәтсүхәт ёнләт. Щалта сыр-сыр тунты пурмәсәт вәрты хошл па сәк пида рәпилт. Ин па 2020-мит олн ләтута тайтты тунты хушап лув ләштәтс па хурамәңа «Йиңк вой»



Сүмәтвош вәрәннты хуята «Вухаль мир пүли якты хот вәрты щирәт» семинар тумпийн вәш тыләш 19-мит хәтлән 2019-мит олн



▲ И.Ф. Новьюхова



▲ К.А. Супрун



▲ Л.Н. Новьюхова

сăх лўвела ёнтас. Щи нэй сăхал, вантэ, ищты «Ай нюхас войе пăл» немуп хэншийн ар пелак эвэлт ямсыева эвэцэлэ, тэса па хурамаңа ёнтаслэ.

Ирина Фоминична Новьюхова – лўв щиралн ёнтасты нे Сүмэтвошн вэл. Тэм ненчев тэп 2020-мит одн «Шуши мирав нират ёнтты щират» мирхотн вэс. Щит пата лўв тэм пүш нюки нират ёнтас па хэншийн сак эвэлт лэштаслэ. Щи ут тумпийн хэнты не тайты хурамаң вейт тыймал па намтат тэса ёнтмал.

Галина Константиновна Доровина «Маа сим» («Ма мүвэм») немуп тăхия, хулта Сүмэтвошн ненчэт вэрэнтты яххлэт, кашаң пурайн юхатл па ёнтасл. Тэм хэннехэ шенк тэса ош сух пүнхт эвэлт ненчэт тайты хэншийн вэрум вейт тыйты хошал. Щит пата вошан ёх ванлутсыя лўв ямкем ар тыюм вейт па посат, намтат, арсыр аканят лэштамал. Мосл лупты, хуты тэм не ар од мэр иса вэрэнтман вэл.

Галина Матвеевна Руденко – арсыр ванлутсэта

па вэрэнтты ёх мирхотатя яххты хэннехэ. Лўв арсыр ай пурмасынет, тутщаат, намтат, ёрнасат муй ош сух пүн эвэлт лэштаты вейт хурамаңа тыйты иса хошл. Тэм не кашаң ёмэнххатлэтн пурмасаң ванлутсэти лэштат.

Лидия Егоровна Артанзеева – лўв щиралн ёнтасты не. Лўв мүнчева ар хэнты не ёрнасат, тутщаат, севум вейт муй посат, сак эвэлт хурамаңа кăртум па хэншийн севум сыр-сыр ай пурмасынет тэм пурайн ванлутас.

Раиса Петровна Загородняя – тэса па хурамаңа ёнтасты не. Лўв аляс хэнши нэй сак, ёрнасат, ёрнас пүшт, тутщаат. Щалта сак эвэлт кăртум хурамаң турлопсат па хэншан нюки нират. Тэм одн не тайты посчан Раиса Петровна ёнтас па щитэн хэншийн ин ёнтаслэ.

Зоя Захаровна Сидорова – Сүмэтвош эвэлт вэлты тэса вэрэнтты не.

Лўв лэштум ванлутсыйн вэсат: хурамаңа ош сух пүн эвэлттыюм па хэншийн севум не вейт, тунты эвэлт лэштум сыр-

сыр ай пурмасынет, намтат, аканят. Щи тумпийн нэй сак, мата ут иши хэнты хэнши тайл.

Калерия Акрамовна Супрун – иши арсыр вэрэнтты ненчэт мирхота, мата утат Сүмэтвош район луватн вэрлыйт, яххты не. Лўв тэм пүш кат хэ ёрнас ёнтас. Щалта ёрнаснэлал хэншийн элтайлал ар пелак эвэлт лэштаслэ. Щи тумпийн нират нюки эвэлт ёнтас па сак хэншийн керэтман кэртаслэ. Эхатшак па нэй сух эвэлт тутщаат вэрэс.

Софья Семёновна Азисова – юисана-нептэнца ювум вэрэнтты не. Лўв вухаль мир хэншет ненчэт тайты ёрнасата ёнтэл. Тэм ненчев ёнтты юлт шенк тэса вантаслэт. Софья Семёновна ин тэмхэтл вэнты округев «Сорни вэрэнтты тăхия» нух хэншман тайлы.

Любовь Васильевна Кашлатова – Муликэртэн Октябрьской районэн сэма питум па ёнум не. Ар од мэр иса Сүмэтвошн вэл па рэпитл. Лўв иши вэрэнтты ненча лўнтасл. Щалта рэт ясчал, вэлты-

холты щират яма тайлалэ. Тэм ненчев Сүмэтвош район вэрэнтты ненчэт арсыр мирхотат түнцирэнца па яма лэштас. Лўв рэпатаил унтасн ям арат хэннехэ сыр-сыр ёш рэпата вэрата катласты пиньщас. Тэм мэнум 2020-мит одн Любовь Васильевна эви тайты ёрнас хэншийн эвэцэлэ, щалта нэй сак ёнтас па ин нират вэрты вүянтас.

Андрей Иванович Албин – тэм айлат хэ шуши мирав культура тăхи хот юитн рэпитл. Лўв ар пелак иса юх эвэлт сыр-сыр пурмасыт вэрл.

Щиты тэм одн шовэр муй пойтэк каталты сесэт түнцирэнца лэштас. Щалта Степан Николаевич Хатанзеев пила лўв шуши мирав культура тăхи хот юита хэнты муй вухаль нурэт, ай пасанат, арсыр нурмат вэрсанэн.

Мёт юхи хăшум күтн рэхл щиты лупты, хуты тэм мэнум 2020-мит од пурайн кашаң рэпата вэр Сүмэтвош район шуши мирав культура тăхи хот юитн ар пелак онлайн щирн мэнас.

Любовь Вынгилева китум айкељт щирн хэншас:
Владимир Енов



Тәньял ол коронавирус пәлтап мәш юхтум юпийн Россия луваттыйн иса вәйтантупсәт, мирхотат, ванлтупсәт, вәнлтаты хәрәт, мойна яңхты-мәнты вәрәт хулыева ләп тәхәрсыйт. Мирев иса тәп интернет хуша онлайн щирн вәйтантыйлты щир тайс.

Мари ләхәс ёх оләңән

Сырыя ма хәншум, хүты тәм пүш «Информационный мир Югры» нәмпи вәнлтаты хәр Ас потты тыләщ 17-23-мит хәтләтн ишити онлайн щирн вәрйиләс. Тата айкеләт ләштәтти тәхи кәщайт, айт кәншты, хәншты, радива, телевидение па интернет тәхи 500 мултас хүят күтн интернет хўват путрәмәты вәритецсүв.

Онлайн щирн вәнлтаты хәрн мүн финно-угорской айкеләт ләштәтти ёх па вәсәт. Марий Эл мүв Иошкар-Ола хон вошән «Кугарня» нәмуп айлат мари ёх пәта журнал кәща хә Эдуард Иманаев ясән, вүйляс.

Марий Эл мүвн 676 184 мултас хәннәхә вәл. Лыв күтән 43 процент арат марийцат вәлләт. Лыв мүн итэва финно-угорской мира альыйт. Мари мир ар, щирн рәт ясңел па культура вәрләл аршак хүт яма тайл.

Иләтн 1977-мит ол васы мәнты тыләщ 31-мит хәтлән хурамән Марий Эл мүв Волжской районән ар нявләмән Иманаев хоттөл ёхн юхи хашум 11-мит пушхие сәма питәс. Нәмн пунсы – Эдуард. Аңкел – Серафима Степановна, пушхәт єнмәлтум па иса хот рәпата вәрман вәс, щирн «Мать-геройня» нәмуп мевл посн мойләс. Аңшел – Аркадий Степанович – вәлупсыйн хошум мушатты щира лавумн кәр алты хәр рәпитет. Кәтнән тарма кәпәртсәнән па

шенк ләңхасңан, ләлн нявләмiet нәпекәнца ат ийсәт. Щиты щи тывас.

Эдик пухие айтәлн киникайт лүңттүү вәр сәмән тайс, юнтулдал киньча лүвела ипуша кинишкә мосас. Щирн ўшколайн тәса вәнлтүләс па щи юпийн Марийской государственной университете историко-филологической тәхи етшуптәс. Щалта Марий Эл мүв президент ики поступы щирн «Лүв саттэла вәр тайты хүята» вәнлтүләс. 2004-мит ол вүш эвәлт Россия мүв айкеләт ёкәтти ёх союза луңман вәл.

1999-мит ол сүс-тайлн «Марий Эл» газетая айт ләштәтти хүята рәпитеттүү вүсы. 15 мултас ол юпийн, щит 2015-мит ол сухnumн Эдуард Иманаев айлат мари ёх пәта «Кугарня» нәмпи журнал ух кәщая павәтсү.

Ванкулты мүн, финно-угорской яснәтн айкеләт хәншты ёх, арсыр мирхотат вәйтантыйлүү, арсыр јам вәрәт мүй па нүшайт оләңән путартлүү. Тәх пурайн мойна яңхлүү, ләлн рәт мирлүү оләңән уша вәртү, хутыса лыв рәпитеттәт па муйсар йилуп вәрәт тәләт.

Кугарня мари ясән, эвәлт тулмаштаты ки, щит лапәт ветмит хәтл. 1991-мит олн хошум лыптаң лүң пурайн оләңмит номер етәс. Щи пурал эвәлт тайт рәпитеттүү апраң нәңат-хәйт айт ләштәтти вәр түмпийн финно-угорской мират як щират тәләт па арат ариләт.



▲ В. Нуриахметов па Э. Иманаев Марий Эл мүвн

«Кугарня» нәмпи журнал > йилуп номер >



Щалта кашан ол Марий Эл мүв арсыр вошат па кәртәт эвәлт юхтум арәң ёх, нарасты юхтән юнты хүяттәт якхара ёктәшләт. Щи тумпи рәпата щирн мүв луваттыйн яңхләт, ясән-нәптаң хәннәхүяттәт эвәлт йис путрат, арат па моньшат нәпека нух хәншләт. Ушхуль «КВН» нәмуп юнтаң кәсүпсү итии няхан па нумсән хәр, литературной лүңтупсәт ләштәтләт. Щит, вантэ, шенк әмәш хәләнттү па уша вәртү, мүй хурсап рәт ясңат Россия луваттыйн ин тәмхәтл вәнта вәлләт.

Тәмхәтл «Кугарня» нәпек Марий Эл, Башкортостан, Татарстан, Удмуртия, Свердловской, Кировской, Волгоградской, Тюменской, Пермской, Московской, Ленинградской, Ямал па Югра мүвәт мари мир вәнта юхатл.

Тәм пүш онлайн щирн мирхотн Эдуард Иманаев лупас, интернет хуша «Вконтакте» па «Одноклассники» тәхенән тумпи «Кугарня» нәмуп журнал Instagram па YouTube хуша ици ләштәтсү.

Марий мүвн вәлтү мир щи оләңән яма вәләт, щит лүңтәтләт па мосты вәрәт оләңән уша павәтләт.

Путэр хәншас: **Ирина Самсонова**



Пушхät пäта непекät ётсät

Тäm мänum 2020-mit oлн Ас-угорской институтын рәпитеты ёх няврэмät пäта касум ёх ясäнäн па сärханл ёх путрупсыйн лүнäтты непекät хäñшäт. Лыв хулыева рүш ясäна тулмащтуман вэлдät, тäх утät па английский ясäна тулмащтäсыйт.



Kасум ясäнäн кät киника хäñшäт. Итл-щит моньщ, немл «Хумäсвäl семие па Турн сэвие». Моньщ хäñты ясäнäн хäñшäс па рүш ясäна тулмащtäс С.Д. Дядюн. Английской ясäна моньщ ищи тулмащtäса, тäm йисн хуты няврэмät имухты па хон пёлäк ясäна вэнлтäлýйт, рёт ясñел муҳты вэнлтäлäт ки мет ям. Английской ясäна моньщ тулмащtäс О.Ю. Динисламова.

«Хумäсвäl семие па Турн сэвие» хäñшса мëтай няврэмät пäта, лыв яснел яма тäйти щира словарик вëрман вэл, муй тäхийн моньщän вэлтты ясñät рүш, хäñты па английской ясñätn хäñшман вэлдät.

Кимät киника немл «Занимательная математика на хантыйском языке (казымский диалект)».

Тäm математика олän классätn вэнлтäйлty няврэмät пäта рүш па хäñты ясäñäñän А.А. Шиянова хäñшäс.

Тäta сыр-сыр математика задачайт äкätmäн вэлдät, лыв няврэмäta мостäты па өмäш щира хäñшман вэлдät. Тäta моньщуптэт, сыр-сыр ушхуль вëрät вэлдät. Математика вëра мосл няврэм нумäс тäса кëрätty пäта, щи олänäн мëтсыры страницайн В.Н. Соловар стихотворение хäñшман вэл:

«...Лавäрт задача ки
вëрлän,
И еллы вэлты суртэн,
Ищипа, щи лэшмäл:
Нүм тэрүм пäлдаттыйна
Ат алмийлдайн нäh...»



Сärханл ёх ясäнäн хэлум киника тäm ол хäñшäт. Кät моньщ па математика.

И моньщ немл «Муй вўрн кäти па ай ланки яха хойсäñän». Тäm моньщ Угут вош Сärханл район А.Н. Бисаркина эвälт хäñшса. Хäñты ясäнäн В. В. Карчина хäñшäс па рүш ясäна тулмащtäс. Тäm ям моньщ английской ясäна О.Ю. Динисламовайн тулмащtäса.

Моньщ олän классäн вэнлтäйlty няврэмät пäта хäñшса, тäm ай киника хурäн словарь тäйл, хурн хäñшум сыр-сыр пурмäсät хäñты, рүш па английской немät тäйdäт. Па и хäñшум хур вэл, щäta хурн кäти па ай ланки вэнт кëртäн пüt кавärtläñäñ, тäta няврэмät пищел вэл ольпäñ хäñшты юхн ўрьялдäты. Няврэмät хушты пäта па и хур хäñшман вэл «Нёта кäтия мис вүй вэнта юхäтты», щи кäтен арсыр щäkarëñ ёшäт тäйl, щи пäntät кütн тäп и ёш мис вүй вэнта юхätl.

Кимät сärханл моньщ киника немл «Уян хилы». Тäm моньщ Русскинской воши Сärханл районän Е.Н. Короб (Мултанова)

евälт хäñшса. Хäñты ясäнäн хäñшäс па рүш ясäна тулмащtäс В.В. Карчина. Тäm моньщ английской ясäна ищи О.Ю. Динисламовайн тулмащtäса.

Непек мëт ай няврэмät пäта хäñшса, лўв хурäн словарь тäйl, кäшäñ пурмäс ищи хэлум ясänäн немätman вэл.

Па и хäñшум хур ищи ольпäñ хäñшты юхн ўрьялдäты пищ вэл.

Хэлмит сärханл ясänäñ хäñшум непек немл «Занимательная математика на хантыйском языке (сургутский диалект)».

Тäm математика аишäk классätn вэнлтäйlty няврэмät пäта Г.Л.Нахрачева па А.А. Шиянова хäñшsäñän. Олän страницайн вэнлтäйlty няврэмäta А.С. Песикова ям ясäñ китäс.

«...Тäm уян ям нäпäти, Тäm ўньяц ям йисн
Ашколайн нын
вэнлтäйlдäты,
Ашколайн нын
путäртäйlдäты...»



Тäm математика киникайн ушхуль математика пищät äkätmäн вэлдät, лыв няврэмäta мостäты па өмäш щира хäñшман вэлдät. Тäta моньщуптэт па сыр-сыр ушхуль вërät вэлдät.

Тäm киникайт хулыева хурамäñ хäñшум хурät тäйlät, щи хурät хäñты щир вэлупсыя яма мäстäлät. Щи пäта няврэмäta өмäш питл тämäsh непек ёша вüты па лўнättty.

Путэр хäñшäс:
Пётр Молданов



Дыбинät рэт ёх олänän ванлтупсы пүншсы



▲ Л. Алфёрова мойн ёха вўща яснät путартайл



▲ Хурамäц ханты пурмасат

Хэнты вулан лантäц Асэв хонäнän Сүмätнюл кэрт вэс. Щата Самаринät, Юминät, Дыбинät ханты рэттэв вэсат. Лыввой-хүл велпäслäсат, хотвой тайсат, вэнтэн вонышумут ёкäтман йнхсат. 1926-мит олн непекн хэншса, хуты кэртэн 12 хот ов, щата 72 хэннөхэ вэл. Увас мув олänän уша вёрты хэ А.А. Дунин-Горкавич иши тэм кэрт олänän хэншилдэс.

Раиса Германовна Решетникова вэн аң-щашев Константин Дыбин рэт ёх олänän айт ёкäтас па вэн «рэт юх» вэрэс. Щит «Торум Маа» музейн дэштэ «История семьи в истории страны. След прожитой жизни» вэр ширн тывас.

Иса Кәшта вэн аңщащев эвэлт манум Дыбин рэтн тэмхätл 452-кем хэннөхэ нух хэншас. Катра архив непек эвэлт уша йис, хуты Дыбинät сыры Ныпинät, Типинät щирн хэншыйт. Тэмхätл лыв арсыр муватн, кэртэн, воштэн вэллät, па опраш нэмэйт тайлät, тэп и вэн аңщащи муй па вэн щатъщаши щирн рета лүнтаслät.

Кәшта вэн аңщащев вухаль ими тайс, лыв Сүмätвошн яха вэйтант-

сäнän. Имел щурас ёх хуши рэпитас, муй вэрты иса хошас. Хотл ѹма, систама тайсэлэ, кэртэн иметн щи пäта «рүш имия» альшäсэ. Лын хущана ар нявлрэм сесма питылдэс, тэп нял нявлрэм лылдэн хэшäс: Павел, Тимофей пухнэн па кэт эвие, мулты пäта Мария и нэм тайсäнän. И эвэн, Мария Константиновна, мүн аңкаңкев вэс.

Раиса Германовна тэм «рэт юх» хэншты О.Е. Сакунова (Гындышева), Ваньшават кэрт эвэлт – Н.В. Шабаршина (Молданова), Т.В. Молданова-Ользина, Тэк кэрт эвэлт – Геннадий па Эльвира Гындышевнэн, Касум вош эвэлт – Л.Н. Кондрашина (Гындышева), З.Н. Тарлина (Гындышева), Л.А. Рочева (Гришкина) па па рэт хуятт яма нётсат. Щи пäта лывела вэн пемашила яснä луплүв.

Мет олänän тэм ванлтупсы манум олн ван хантупы тылдэш. Ёмвош округев ѡмэнхäтл вүранэн «Торум Маа» вэнт хэрийн пүншсы. Мулхатл па музей хот ѹитн елдэс рэпитты питас, еша вэншäка вэрсы, ин щив ѹихты па тэм ванлтупсы вантты щир вэл.

Музей кэща не Людмила Алфёрова тэм ванлтупсы пүншумн щиты луплас:

» Атум кäши-мэш пäта музей хот ѹитэвн хүв мэр нэмэлт ванлтупсы ѹан вэрэнтсүв. Тэмхätл мүн тата кэт ванлтупсы пүншлүв. Тэмшэх ханты па вухаль рэттэл олänän хэншты вэр мүн хүвн тэты питсүв. Арсыр рэттэл олänän ванлтупсыэт вэрэнтсүв, ин вэрэв елдэс мэнл. Щит шенк ям! Тэмхätл мүн Сүмätнюл кэртэн Дыбинät рэттэл олänän уша па-

вэллүв. Ар рэпата Раиса Германовна Решетникова тэс. Лув тэм рэт кашэн хуят олänän уша вэрэс, карты кел хуват путартас, хэншсэлэ. Мүн музееев хуши рэпитты хуялтүв тэса, мосты щирн кашэн пурмас пунсэл, «рэт юх» хур хэншас. Щи пäта вэн пемашила яснä лывела луплүм. Тэм ванлтупсы мүн округев па воштата па кэртэта ванлтупсы пäта иши тэтьялэв па елдэс киника ёсэллүв.

Тэм «Сүмätнюл кэртэн Дыбинät рэт» нэмпин ванлтупсы «Торум Маа» тэхийн ай кэр тылдэш 18-мит хатл вэнтэй рэпитты питл.

Путэр хэншас:
Надежда Вах

Ханты ясанг (Хантыйское слово) №3 (3567), 11.02.2021

Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция

Врио директора, главный
редактор – **Кондина Г.Р.**
Телефон (3467) 33-22-72

Заместитель главного
редактора – **Вах Н.И.**
Телефон (3467) 33-24-02

Ответственный секретарь –
Рагимова Н.В.
Телефон (3467) 33-24-02

Адрес редакции и издателя:

628011, г. Ханты-Мансийск,
ул. Комсомольская, 31
тел./факс (3467) 33-17-52

E-mail: gazeta@khanty-yasang.ru
Газета размещена на сайте
www.khanty-yasang.ru

Отпечатано:

ООО «Новости Югры-
Производство» г. Сургут,
ул. Маяковского, 14.

Индексы 04393, 54393

Тираж 2166 экз.
Заказ 507
Цена свободная

Газета
зарегистрирована
Управлением Федеральной
службы по надзору в
сфере связи,
информационных технологий и
массовых коммуникаций по

Тюменской области, ХМАО-
Югре и ЯНАО.

Свидетельство о регистрации
ПИ №ТУ 72-00796
от 23 января 2013 г.

Мнение авторов публикаций
не обязательно отражает
точку зрения редакции.